



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Directorivm Sacerdotale & Clericorum Specvlvm Insigni Pietatis Ac Devotionis Supellectili exuberans**

**Kinckius, Matthias**

**Coloniæ, 1662**

Vsus & contritionis actus formula,

[urn:nbn:de:hbz:466:1-46628](https://nbn-resolving.org/urn:nbn:de:hbz:466:1-46628)

stoli doctrinam. *Probet seipsum Sacerdos, antequam de Pane illo edat, & de Calice bibat.* Quam quidem probationem per conscientiae discussionem opportunè faciet, adhibita Confessione, vel saltem contritione, si desit copia Sacerdotis, & necessitas aliqua urgeat ad celebrandum: nam alias nullus Sacerdos sibi conscius peccati mortalis, etiam cui ex officio incumbit celebrare, potest absque Sacramentali Confessione præmissâ, ad sacram Eucharistiam accedere, quantumvis sibi contritus videatur, ut declarat Concilium Tridentinum.

*Vsus contritionis commendatio.*

VI. Quia contritionis facta est mentio, sciat Sacerdos tanti eam esse momenti, ut quantumcumq; gravisimum peccatorem mox in Dei gratiam reponat, & ad salutem sufficiat, modò adsit propositum confitendi, cum præceptum Confessionis obligabit.

*Contritionis definitio.*

Est enim contritio, perfectus animi dolor,

dolor, ob Deum offensum, quem summè, & super omnia diligere tenebarur.

*Quando formandus Contritionis actus.*

Frequens proinde ejus usus à viris doctis & piis plurimum commendatur: Primò potissimum manè, ut Deo reconciliati opera nostra aliàs mortua, meritoria vitæ æternæ offerre possimus. Secundò vesperi in examine conscientiæ, contra repentinam mortem. Tertiò post peccatum aliquod mortale admissum, ne inimici Dei perseveremus. Quartò ante Orationem, cum non sit. *Speciosa laus in ore peccatoris.* Quintò in periculo mortis.

Cujus quidem contritionis actus formari potest ut sequitur.

*Actus Contritionis formula.*

**D**omine Iesu Christe, verè Deus & homo, Creator pariter ac Redemptor meus, doleo ex intimo cordis, me tuam majestatem offendisse cum tu sis Deus meus & omnia quem super omnia diligere & colere debeo. Proinde firmiter statuo ac propono, me non amplius te offensu-

rum, sed omnes peccandi occasiones de vitaturum pro viribus, me insuper de noxis meis confessurum, & poenitentiam quancumque imponendam impleturum. Ad pleniorẽ Verò satisfactionem hodie tibi offero me ipsum, vitam meam, omnes labores meos, omnia denique interiora & exteriora mea. Et quemadmodum delictorum meorum veniam supplex efflagito, ita me eam impetraturum confido per infinitam misericordiam ac benignitatem tuam, per merita quoque pretiosissimi sanguinis, ac sanctissima Passionis, Te insuper daturum spero gratiam emendandi vitam meam, & in bono usque in finem perseverandi, intercedentibus pro me apud tuam clementiam Beata Maria semper Virgine Matre tua, & omnibus Sanctis tuis. Amen.

*Propinquior preparatio ante Missam.*

V. Sacerdos celebraturus, ex præscripto Missalis Romani non nihil Orationi vacare debet. Itaque sepositis omnibus, se intra se ipsum recipere conetur qua maxima poterit efficacia tria sequentia obcundo.

*Puncta Considerationum ante Missam.*

Primò, Præmissa consideratione  
quod